

歷代 日記叢鈔



學苑出版社

日記

Source: <http://www.fishbase.org>

癸丑
南潯戰爭日記

概言

我第六師自武漢舉義全國光復共和告成南北統一以後即退紮豫省南陽信陽等處專務訓練暨剿匪諸事羈寓年餘與地方各界感情甚洽迄民國二年四月八日北京國會開幕組織正式政府其間時有亂黨蓄意破壞繼有改進團九龍匪等設立機關暗行急進欲依長江險要圖謀不軌又值黨見橫生南北衝突之日而宋案發生借款成立於是亂機觸動禍起蕭牆贛皖粵蘇等省借宋案波瀾借款問題責難政府大總統恐大局糜爛全國危亡遂派遣代表居間調停猶期破除意見共維大局孰意江西一省首先獨立而粵皖蘇湘亦相繼而起於是逆跡畢露乃興兵反抗中央矣中央政府見其有意破壞信口雌黃難收成效於是大副總統遂攜手妥議設計保全總以民國不亡爲準故派兵南下以襲其奸先命第六師爲前衛由信陽速向贛省出發對南昌九江方面妥速佈置斯

時江西都督李烈鈞亦在九江瑞昌德安等處下令動員逐漸增兵觀兩面情形而戰爭慘禍轉瞬即現嗚呼大局如此民國糜爛實不堪設想矣噫竟以我國許多志士及熱血軍人擲無數頭顱拋無量鐵血所易之中華民國於幼稚時代南北破裂戰端又開若涉及外交打破均勢而民國危亡似卵累矣我等年少軍人雖馳驅戰場彈雨槍林然思及大局險像實不寒而慄誠不能不爲國家前途哭爲四億同胞懼也仍望我熱心志士愛國君子儘力調停速弭戰禍使我拋頭顱揚鐵血所易之中華民國弗至陷於危亡利歸漁人是我四萬萬同胞所企望也

茲次由我師出發至戰爭結局所有諸般經過及所睹沿途村落景象山水狀態氣候土產風俗習尚與戰場一切命令處置軍隊區分攻守佈置等類一併草記以俾日後參考是余日記之宗旨也

中華民國二年仲夏

張開泰識於潯陽軍次

凡例

一自第六師由信陽出發至抵贛疆凡經過地點日期情形並目睹各處風景古蹟及一般行軍駐軍作戰狀況悉逐日草記以作紀念

二軍中紀律實屬要素戰時尤然戰爭期中總期秋毫無犯方安然欲達此目的全賴官長維持予觀戰時維持軍紀甚不容易吾等初級軍官尤須詳加研究凡此等事當銘諸腦海不可稍忽

三茲者南潯戰役我軍雖云勝利然補充接濟輸送等法不甚完善亦由山路崎嶇輸送困難之故雖然猶期軍界同人研究改良務臻完善爲禱

四語云兵者凶器戰者危事戰場情況萬變千化佯攻爲守反守爲攻眞真假假虛虛實實若屆斯時全賴指揮官取穩健之態度堅確之決心奇巧之心機放銳眼光敏捷行事庶可轉危爲安反弱爲強

五方今戰術軍器日新月異若用夜間戰鬪拂曉攻擊較諸白晝相戰易於取勝此次攻擊灰山奪取湖口及沙河黃老門等處皆用此法而得勝利附記於此以供研究

六此書所記係南潯戰役經過一切情況隨時略書累積成帙然記載諸多遺漏不甚周備惟自信確切事實敢以貢諸同志

七予自從戎至今七載戰法方略不能明了而於原則基本亦時流覽故此次戰役僅按諸戰術實況簡略登記然所記載不過大概而已方望諸同人詳加修正以聆雅教

中華民國二年 第六師二十二團第二營七連司務長張開泰記

五月十四日混成二十二團奉到命令分三列車向漢口方面前進我第二營乘第二列車於午前十點一刻由信陽出發午後六點至雞家廟江岸下車幕營途程計四百三十里二列車共乘士兵五百七十名內機關槍一連混成第十一旅是日均達劉家廟齊集待命

今日午刻經過武勝關此關係豫鄂兩省交界之處關南爲湖北屬關北爲河南屬以關上關帝廟爲界關下爲火車洞關上居民二三十家均貧寒予於前年武漢戰後退至此處駐紮半月故知之稍詳關北十五里有鷄公山一座極高大寬闊上有山寨一處寨內爲各國洋人租借地以爲避暑之用名爲避暑實則開礦現在日人在此開礦數處蓋此山附近礦苗極多久爲外人注目故各國外人名爲避暑實用意在此關南十二里有將軍寨一座此寨在一大山之上寨內有狄青廟及狄青墳等古物蓋

此寨名將軍寨者乃宋代狄將軍青之寨也當時將軍鎮守此關駐紮山上故修此寨關之北端左右山腹上尚有古堡壘數座聞土人云洪楊之亂在此開仗數次

湖北爲古楚國俗信鬼神故現今山野小鄉仍極迷信廟宇極多武勝關附近尤甚每日必有燒香鳴爆敬鬼神者可見迷信之一般矣

五月十五日午前八點時漢口鎮守使杜錫鈞代表黎副總統至劉家廟江岸慰勞軍士並講道理完畢後李軍統純亦講紀律三條如左

一我將校士兵務必保持名譽勿負人望以全副總統特調六師之心

二竭力顧全大局以安人心勿受他人愚弄離間軍心

三捕獲破壞大局之人以除亂黨蠹賊而保國家基礎至九點三十分講完散隊歸營

十一點予因公赴漢口一行公畢至大智門華景街遊觀復至各租界見

各處車馬行人熙熙攘攘擁擠異常甚覺繁華就表面而觀漢口誠不愧爲我國最繁盛之商埠也

五月十六日奉到副總統命令擇要錄左

令云長江沿岸實屬不靖極應嚴密防範茲令第十一旅馬旅長繼增率二十一團向田家鎮前進今日午後六點登輪東下又令二十二團張團長敬堯帶領混成二十二團於十七日午夜六點由劉家廟乘輪向興國縣前進須佔領界首舖羅家里二處爲要準備向瑞昌進攻特派楚同兵艦沿岸護送第六師前進完畢後第二師在劉家廟集合準備調遣

今日午後六點馬旅長率領混成二十一團由劉家廟登輪向田家鎮進發蓋此處爲九江上游重鎮在江北岸山水環繞地勢甚佳洪楊亂時卽爲戰傷距九江約百餘里若佔據此地則有事九江易爲力矣故不能遲誤宜速前進

五月十七日二十二團因船未齊故未前進

五月十八日午前八點三十分鐘予因公赴武昌由英界六碼頭登輪渡江公畢至蛇山登黃鶴樓一遊樓之近旁有照像卦命等館數家登高遠望伏視武漢三鎮瞭如指掌遙睹龜山鐵工等廠歷歷如繪甚雅觀也十二點時由漢陽門渡江回漢轉而回營午後四點各輪船齊集劉家廟碼頭我二十二團隊五分班登輪魚貫而上完畢時已五點三刻隨開船前進連夜進發至次日早六點到田家鎮細雨紛紛不能登岸該地距漢口計水路三百六十餘里陸路約三百里

五月十九日早晨因雨未能登岸至八點雨止即登陸幕營此處沿江兩岸皆山若在上築設礮台最爲險要江不甚寬因兩岸山相對峙中寬約三里流水每秒鐘約四十米達聞土人云此卽伍子胥過江之處也兩岸村落稀少難容隊伍亦難購食物如緊急時徵發糧秣尤屬困難此處

情形大概如是

午後雨又降如故我連所駐之南台地方泥濘不堪予欲登山遠眺因不能舉步而止天暮雨止夜間忽霽卽發糧秣準備次晨向興國縣出發五月二十日早五點三十分混成二十二團由南台出發向興國縣前進得命令云本團向興國縣前進第一營爲前衛二三營距前衛三百米達隨行礮隊機關槍按次序隨二三營前進大隊後五百米達跟進第一營營副官駱敬爲大接濟隊長云沿途山路崎嶇高下不平山嶺環連村落稀少購物困難故飲食不便軍行未免疲乏接濟尤屬難行當日步隊勉行達到興國馬礮機關槍及接濟等類因山路難行均未達到當晚皆假寓途中余帶本營接濟夫役人等宿於張谷才小村內此本日行軍之情形也蓋南台至興國俗云六十里是就直徑而言今走山路崎嶇環繞計算所過里數足有百里之遙余帶領夫役人等一日未得熟食

只進生蕃茨兩塊亦云苦矣

五月二十一日晨四時予與接濟及夫役人等由張谷才出發路徑仍然泥濘難行如故旋見機關槍山礮隊亦勉強前進晚四點至興國縣紳商各界一致歡迎餽送酒肉聯絡感情若我國紳商各界及居民人等皆知軍民一家誠心歡迎亦好現象也

五月二十二日午前八點各隊在西關集合團長演說云凡我軍隊在此之官兵均須對於地方各界和平處事維持治安不得致有衝突妨礙感情務要整軍紀尙禮節正服裝云云蓋我軍隊初至興國紳商百姓極表歡迎若我無禮於彼必生惡感致有意外之虞亦未可定故聯絡感情最爲緊要團長諄諄告誡卽是此意午後四點紳商各界縣自治會商務會均與我軍接洽

五月二十三日細雨紛紛一日未止蓋南方多雨一月之內陰雨之日約

占三分之二可見較北方多雨之一般矣春日尤甚故該處諺云春光九十八十而有雨

五月二十四日陰雨如昨早六點第一營吳營長率一二連開往界首鋪對瑞昌方面嚴行戒備

五月二十五日半晴十二時又陰忽而又雨此地因山水太多村落稀少又多江湖河川故陰晴無常雨水極多午後二點二營五連準備向楊崗出發

五月二十六日午前八點第二營五連向楊崗出發我第七連亦準備出發此間山水大多路徑難行如有戰事實屬困難

五月二十七日陰午前六點第二營六七兩連由黃營長率領向龍崗出發乘船前進民船五支容兵一連甚形狹小進行極慢與國南北東三面皆水西北一隅銜山居民極富大戶爲仕爲商小戶則獵漁爲業前清之

列名於仕宦者甚多該縣前名興國州洪楊之役被擾最久沿途行進風景絕佳森林茂盛頗覺幽雅午後五點船經袁崗吳崗二處紳商百姓鳴爆結綵以表歡迎此處棕樹杉樹極盛草木亦茂

五月二十八日雨午前八點至新安舖登岸陸路冒雨前進午後一點到達龍崗沿途非山卽水森林頗多村落稀少道路崎嶇軍行不便如有戰事展開困難所幸者沿途紳商各界及居民人等與我軍接洽尙好該處野皆稻田山盡松竹與江西接界畫眉鳥極多沿途鳴聲婉轉殊快聽聞五月二十九日晴此處風俗樸陋智識卑劣山野僻境人性慄悍但該地因山水秀雅故人之顏容極佳女子尤然山高出俊鳥多水產佳人豈此之謂歟該村北端約三四里處之山角下有大樹一株圓徑四丈餘高五六丈枝葉叉枒奇態百出然已枯多年聞土人云此樹不知生於何代何年大約有二千年之久噫誠予從來未睹之大樹未聞之古樹也

五月三十日奉團長命令使嚴防江西武寧方面營長連長當即會議隨派員調查通武甯道路以備警戒查有張姓村寶塘二處皆通武寧大道可以派兵警備

五月三十一日營長派排長兩員各帶兵一大排一赴寶塘警戒一赴張姓村警戒均於午前十點出發嚴防江西武寧方面

六月一日半陰熱甚午後一點本團執事官景林來營代表團長慰勞兵士並云我軍萬不可自行挑戰免人有所藉口有碍和平解決等語

六月二日晴炎熱無風午刻細風微作始覺清涼在此駐紮每逢夕陽西下氣候清爽時或公畢雨後即偕同人出外閒遊山水之間均屬稻田並無大道相通所行皆田邊曲徑窄小難行大不似北方道路之寬交通之便花草鳥獸較北方爲多又甚豐雅卽畫眉一鳥徧山皆是所睹奇花異草難以枚舉誠美觀也自幼在鄉無山水可供賞玩刻至南方殊覺別有